


33

33

HARVARD COLLEGE LIBRARY
FROM THE
HARVARD-YENCHING
INSTITUTE
DEC 28 1929

~~Ch L~~ 9297.8244 ³²⁷

~~Ch L 9301.8244~~



錦繡萬花谷別集總目

卷之一

天

日

月

星辰

風

雨

雷

雪

霜

霧

露

虹

卷之二

雷電

冰

霞

雲

地

山嶽

泉

石

湖海

卷之三

江

河

川澤

歲時

春

夏

秋

冬

哈佛大學
哈佛燕京
圖書館
珍藏印

卷之四

元旦

立春

上元

社日

卷之五

春分

寒食

清明

立夏

夏至

端午

三伏

立秋

七夕

中秋

秋分

重九

立冬

冬至

臘

歲除

卷之六

皇后

太子

宗室

宰相

參政

樞府

卷之七

給事

中書舍人 左右史 起居舍人附

翰苑

御史 諫官

卷之八

尚書

侍郎 侍讀 侍講 卿 廷尉附

卷之九

祕書省

郎官 東宮官 學官

奉使

郡國使者

卷之十

都督

安撫 經畧使 部刺史

漕使

憲使 倉使 茶馬附 提舶

郡守

通判 幹官 教官

卷之十一

職幕官

曹官

知縣

縣丞

主簿

縣尉

太尉

將帥

兵武

奏捷

卷之十二

官爵

鬻爵

俸祿

遷除

仕進

聘召

濫官

致仕

薦辟

卷之十三

父子

子母

夫婦

兄弟

子孫叔姪

卷之十四

師弟子

朋友

舅甥

賓客

美人

妓妾

奴僕

卷之十五

耆老 福壽附

童幼

婚姻

卷之十六

少年顯達

富豪

貴盛

先賤後貴

權勢

卷之十七

學問

文章

經學

子學

言語

歌頌

談笑

卷之十八

隱逸

恬退

漁釣

叅謁

干託

求知

知人

晞慕

比擬

卷之十九

才德

形貌

名譽

志氣

度量

卷之二十

孝

守節

儉

自樂

陰德

報德

別離

思感

卷之二十一

佛教

僧

神仙

道

卷之二十二

鬼神

物怪

卷之二十三

夢寐

吉兆

凶兆

喪葬

哀輓

卷之二十四

宮殿

宅舍

階庭

門牆

樓閣

亭臺

池塘

苑囿

井

卷之二十五

書篆

畫

射御

投壺

碁

樗蒲

卷之二十六

詞曲

樂

詩

名賢著述

書簡

卷之二十七

貨財

布帛

錢

穀粟

錦繡

珍寶

卷之二十八

禽

獸

魚

蟲

卷之二十九

雜忌

奇字訓釋上

卷之三十

奇字訓釋中

奇字訓釋下

取譬精語

錦繡萬花谷別集總目終

錦繡萬花谷別集卷之一

天

九垓九陔廣雅云九天之際曰九垓九天之外次曰九

陔註云垓堦也陔階也言階次有九

銅儀漢名臣奏曰今史官所用候臺銅儀則混天法也

述征記曰長安南有靈臺上有銅渾天儀

南高北下晉天文志天形南高而北下日出高故見日

入下故不見天之居如倚蓋

天運三變漢天文志天運三十歲一小變百年中變五

百年大變三大變一紀三紀而大備

闔宇闢宙太元經闔天謂之宇闢天謂之宙

一晝夜而天運周唐天文志元宗詔一行與梁令瓚鑄

渾天銅儀圓天之象具列宿赤道及周天度數注水激輪令其自轉一晝夜而天運周外絡二輪綴以日月令得運行每天西旋一周日東行一度月行十三度十九分度之七二十九轉有餘而日月會三百六十五轉而日周天

質直皓白淮南道訓所謂天者純粹樸素質直皓白

雞子幕晉天文志穹天論天形穹窿如雞子幕

東南鳴安帝隆安五年閏月癸日天東南鳴

詩長景明輝在空際金銀宮闕高差栽藍采和織雲四捲

天無河清風吹空月舒波韓愈常時任顯晦秋至最分明縱被微雲掩終能永夜清含星動雙闕伴月落邊城牛女年年渡何曾風浪生杜甫詩天西極柱亦傾如何正穹

昊○上有蔚藍天垂光抱瓊臺並杜甫天上白玉京十二樓五城李白

日

晨明桑榆淮天文訓日出于暘谷浴于咸池升于扶桑是謂晨明日西垂景在木端謂之桑榆

負暄列子宋國有田夫暨春東作自曝於日不知天下有綿續狐貉顧謂妻曰負日之暄人莫知者以獻吾君將有重賞

晚日肝梁元帝纂要在午曰亭午在未曰昞日晚日肝

燭龍淮南子燭龍在鴈門北蔽于委羽之山不見日許慎注云不見日故龍以日照之開為晝瞑為夜吸為冬呼為夏

倒景前郊祀志登遐倒景註云在日月之上反照故其影倒

陽德之母 春秋內事曰日者陽德之母也

鳧飛相類 王充論衡曰日月一日一夜行二萬六千里與鳧飛相類

建木無影 呂氏春秋曰白人之南建木之下日中無影蓋天地之中也

方山拒松 山海經曰大荒之中有方山上青松名曰拒格之松日月所出入

赤鳥 薛琮赤鳥頌云赫赫赤鳥惟日之精朱羽丹質希代而生

詩 旦出扶桑路遙升若木枝雲間五色滿霞際九光披

嶠 洛浦金開鏡衡山半隱規相歡承愛景共惜寸陰移

駢 玉樹陰初正銅圭影未斜龔世赤日照耀從西來六

龍 寒急光徘徊○夏日出東北凌天經中街朱光徹厚

地 鬱蒸何由開○羲和鞭白日少昊行清秋龔世赫赫

初 出咸池中浴光洗跡在天東不覺有物來晦昧團團

一 片如頑銅前時蝦蟇食尔妃天下戢戢無有忠責罵

四 方誰膽大仰頭憤憤惟盧仝欲持寸刃去其害氣力

雖 有天難通聖俞日

月

水 氣之精 淮南子曰日月天之使也積陰之寒氣久者

為水水氣之精者為月

圓 璧 庾肅之玉讚曰圓璧月鏡璆琳星羅

龍鳳徘徊拾遺記曰瀛海南有金巒之觀飾以衆寶左懸則火精爲日刻黑玉爲鳥右以水精爲月削青瑗爲蟾蜍又有神龍神鳳徘徊其邊

三珥軍國占候曰若月有三珥者百日有喜若月冠而復暈者天下有喜

不如微雲點綴晉謝重爲王道子長史因侍坐月夜明淨重曰乃不如微雲點綴道子戲重卿居心不淨乃欲滓穢大清邪

生明生魄書曰哉生明又生魄注云哉始也始生明月三日也生魄月十六日明消而魄生又詩推災度日月三日成魄八日成光蟾蜍體就穴魄始明沈决也夫

詩少皞磨成白玉盤六丁擎出太虛寬清光千古復萬

古留向人間此夜看錫天高月影浸長江江濶風微水面涼天水相連爲一色更無纖靄隔清光歐陽雲披玉

繩淨桂滿鏡輪圓袁露珠華冷凌霜扇影寒瑤賓新月

纖纖出海涯西樓迎望倚闌時乘光散彩真堪愛應有

佳人學畫眉糖應初出海濤疑尚濕漸來雲路覺偏清

寒光入水蛟龍起靜色當天鬼魅驚秦韜中秋無月莫

尤天月入秋來夜夜妍且道今宵明月色何曾減却半

分圓○月到南窓小半扉無燈始覺室生輝人間何處

冰壺是身在水壺却是非並揚影開金鏡滿輪抱玉壺

清謝土室延白光松門耿踈影龔天空汛掃浮雲沒千

巖謝壑瓊瑤窟桂花飛影入盞來傾下胸中照清骨○

舉酒勸明月聽我歌聲發照見古人多少愁更與今人

照離別我曹自是高陽徒肯學群兒嘆圓缺
星

天真之女後漢天文志織女天之真女

星紀晉天文志自南斗至須女為星紀於辰在丑吳越之分野屬揚州又唐天文志星紀以負南海其神主於衡山熒惑位焉

星橋華陽記李冰造七星橋上應七星杜詩云一別星橋夜三移斗柄春

客星犯牛女博物志昔有人乘槎泛河忽忽不知晝夜至一處多見織女有一丈夫牽牛渚次飲之歸問嚴君平曰某日客星犯牛女

姬氏出自天黿國語周語武王伐商星在天黿星與日

辰之位皆在北維顓頊之所建也帝嚳受之我姬氏出自天黿註云天黿一名元枵從須女八度至危十五度為天黿

岷精選江賦岷精垂曜於東井註云岷山之精上為東井

流星飛星奔星晉天文志流星天使也自上而降曰流自下而升曰飛大者曰奔

助月為明晉天文志瑞星一曰景星如半月生於晦朔助月為明

蜀郡靈槎轉豐城寶劍新將軍臨北塞天子入西秦未作三台輔寧為五老臣今宵穎川曲誰識聚賢人嶠南極一星朝北斗五雲多處是三台○步檐倚杖看牛

斗銀漢遙應接鳳城○五更鼓角聲悲壯三峽星河影
動搖○今宵南極外甘作老人星○牽牛出河西織女
處其東萬古永相望七夕誰見同離杜青天何歷歷明
星如白石黃姑與織女相去不盈尺銀河無鵲橋非時
將安適時東方未明大星沒獨有太白配殘月嗟爾殘
月勿相疑同光共影須臾期鱗整衣閭闔門濯足牛女
磯酌酒援北斗鼓箠招南箕劉貢父

風

古知神人過

神仙傳曰老子將去周而出關以升崑崙
關令尹喜占風逆知有神人來過乃掃地見老子老子
知喜命應得道乃停關下以長生之事授之

鷓退飛

左傳曰僖公十六年春六鷓退飛過宋都風也

御風而行莊子逍遙遊篇列子御風而行冷然善也旬
有五日而後返

庶女風史記曰庶女者齊之寡婦養姑姑女利母財而
殺母以告寡婦不能自解以冤告天而大風襲於齊殿

羊角

莊子逍遙遊篇搏扶搖羊角而上者九萬里祥旋

風曲疾如
羊角也

鯉魚風

李賀詩云樓前流水江陵道鯉魚風起芙蓉老

又提要錄云鯉魚風乃九月風也

詩

一別經年喜到來後園春色待君催緩牽衰柳顰眉

展固惱寒棠笑臉開迎得陽和醫病草暗除殘雪銜芳

梅幸同陽氣吹新律為散愁心一點灰離涯春偃草喜

逢新雨後鳴條愁聽曉涼中灑暗隨青律起遠傍白蘋

生蘆林中凋一葉天下動秋聲王禹落日生蘋末搖颺
徧遠林帶花疑鳳舞向竹似龍吟月動臨秋扇松清入
夜琴蘭臺宮殿峻還拂楚王襟○解落三秋月能開二
月花渡江千尺浪入竹萬竿斜李向晚靈殘日初宵
鼓大鑪○東岸朔風疾天寒鶴鵠呼漲沙霾草樹舞雪
渡江湖○楚天不斷四時雨巫峽長吹千里風龔杜
雨

三時甘澤荆楚歲時記六月必有三時雨田家以為甘
澤

含水西漱楚國先賢傳曰樊英隱於壺山常有暴風從
西南起因謂學者成都市火甚盛因含水西向漱之乃
令記其時日後從蜀郡來者云是日大火有雲從東起

須臾大雨

月離畢毛詩月離于畢俾滂沱矣畢噉也月離陰星則
雨

西風而雨伊川語錄長安西風而雨終未曉此理須是
自東而北則雨自南而西則不雨何者東北陽也陽唱
而陰和西南陰也陰唱而陽不和易言密雲不雨自我
西郊則是陰先唱也今西風而雨恐是山勢使然

津西京雜記董仲舒曰太平之時雨不破塊津
莖潤葉而已

詩更教細雨結輕寒坐聽蕭蕭打窓紙崔鵬絮飛無力
糝頽墻雲重天低雨竟長細點飄來人未覺水生微暈
滿池塘石半夜五侯池館裡美人驚覺為花愁羅染來

山岳千重翠洗盡塵埃六合清杜光狂風似手拔枯樹

駭波如雷劈斷橋辛寅看看柳暗來時路漸漸雲生望

處山鮪首雨驚魚食釣翁歸手把綸竿下鮮磯家在渡

頭衝濕去碎聲繁點逐蓑衣謝半夜燈前十年事一時

和雨到心頭鮪首學作昇平喜雨吟東臯初破滿犁深

已開萬乘焦勞慮應解三公燮理心天捉乖龍鞭見血

雷驅和氣泄為霖農夫壠上閒論價一寸甘膏一寸金

師父苦趙盾日欣逢傳說霖蘇軾

雷

天怒唐文藝傳吳武陵曰霆碎電射天怒也不能終朝

起處起邵康節問伊川曰今年春雷何處起曰起處起

擊景公臺淮南子曰齊庶女寡養姑姑女殺母誣庶女

庶女以冤告天雷電下擊景公臺

從金門起雷從金門起上田旱下田熟

鞭車韓文雷鞭車兮電搖幟

詩陰雲迎雨枕先潤夜電引雷窓暫明澣巫峽中宵動

滄江十月雷龍蛇不成蟄天地劃爭迴○昨宵殷其雷

風過齊萬弩並杜微風南北半陰晴驚動遊人雷一聲

僧正雷霆空霹靂雲雨竟虛無○震雷翻幕燕驟雨落

河魚○昏昏閭闔閉氛祲十月荆南雷怒號○安得鞭

雷公滂沱洗吳越○風雷颯萬里霈澤施蓬蒿並杜

呈瑞豐年謝惠連賦曰盈尺則呈瑞於豐年表丈則表

沴於陰德

洛渚宓妃

曹子建洛神賦云余朝京師言歸東蕃覩一

麗人于巖之畔乃顧御者而告之曰彼何人斯若此之
艷也御者對曰臣聞河洛之神名曰宓妃余告之曰髣
髴兮若輕雲之蔽月飄飄兮若流風之迴雪或戲清流
或翔神渚或採明珠或拾翠羽

白鷗失素

謝惠連雪賦始緣覺而冒棟終開簾而入隙

初便娟於墀廡末縈盈於帷席既因方而為珪亦遇圓
而成璧眇隰則萬頃同縞瞻山則千巖俱白於是臺如
重璧逵似連璐庭列瑤階林挺瓊樹皓鶴奪鮮白鷗失
素紈袖慙冶王顏掩嫵

遇雪誓神

唐王峻切峻傳峻將兵濟河間行夜遇雪恐

失期誓於神明曰峻事君不忠不討有罪天所殛者士

衆無罪心誠忠而天監之則止雪反風俄而開霽

春雪非瑞

唐王求禮傳又視二年三月大雨雪蘇味道

等以為瑞率羣臣入賀求禮曰宰相燮理陰陽而季春
雨雪乃災也果以為瑞則冬月雷渠為瑞雷耶味道不
從賀者入求禮即厲言今陽氣僨升而陰激射水此天
災也主荒臣佞寒暑失序使天有瑞何感而來哉羣臣
震恐后為罷朝

詩

燕山雪花大如席片片飛落軒轅臺李六出天花夜

不收朝來佳景遍神州重重玉宇三千界一一瓊瑤十

二樓庾嶺落梅何處斷章臺飛絮幾時休閒思碧海銀

宮畔誰駕丹山白鳳遊纓瓊圍羣仙碎佩環天風吹簸

下人間浩然遠近同雲色失却尋常對面山廖正拂簷

點砌靜如沙無限園林頃刻花明日窮簷深一尺不知
何處覓袁家晁無纜喜東風昨夜歸凌晨又見雪飄衣
綴林似惜梅花落撲地爭先柳絮飛靚亂飄僧舍茶
煙潤密洒歌樓酒力微江上晚來堪畫處漁人披得一
簑歸白雪却嫌春色晚故穿庭樹作飛花韓應慚落
地梅花識却作漫天柳絮飛愁人正在書窓下一片
飛來一片寒清銀鋪光漸濕珪破色仍寒姚繚繞因風
到地遲幽庭閤戶發光輝乘槎羽客隈瓊樹化石佳人
着素衣王韜三日黑風吹暗沙蛟龍卷起噴成花花飛
萬里奪曉月白玉爛堆愁女媧鮪聖

霜

刑罰之表 春秋符霜者刑罰之表季秋霜始降鷹隼擊

王者順天行誅成肅殺之威

封條 張協七命曰晞三春之溢露遡九秋之鳴飈零雪
寫其恨霏霜封其條

鴻鴈飛 五經釣沉曰天霜樹落葉而鴻鴈南飛

詩 一夜新霜着瓦輕芭蕉心折敗荷傾耐寒惟有東籬
菊金蕊繁開曉更清歐陽金柅暮律盡玉女暝氛歸孕
冷隨鐘徹飄華逐劔飛蘇味道

霧

大霧三日必雨 帝王世紀曰黃帝時天大霧三日帝遊

洛水之上見大魚殺五牲以醮之天乃甚雨七日七夜
魚流始得圖書焉今之河圖即其書也世傳大霧三日
必雨自此始也 見雜俎

迴如煙 宜都山川記曰郡西北陸行三十里有丹山
天晴出嶺忽有霧起迴轉如煙不過再朝雨必降
嗽水 宋書曰後漢正月朝天子臨德陽殿受朝賀舍利
從南方來戲於殿前激水化成比目魚跳躍嗽水作霧
霧不塞望 西京雜記曰太平之世霧不塞望浸淫被泊
而已

詩 曹公迷夢澤漢帝出平城溼野妖氛靜丹山霽色明
李嶠樹在溪無影禽來鶻未知愛花留潤與避日卷陰移
李觀秋城海霧重職事凌晨出浩浩含元天溶溶洒明日
纔看含髮白稍見沾衣密韓應山雨不作泥江雲薄為
霧○峽雲行清曉煙霧相徘徊○明霞爛複閣霽霧塞
高牖並杜甫

露

敬老則甘露降 六帖中興書曰王者敬養耆老則甘露
降而松柏受之尊賢容衆則竹葦受之

天酒 瑞應圖甘露一名膏露一名天酒又云甘露仁澤
也其凝如脂其甘如飴

霜與露不同 伊川曰霜與露不同霜金氣星月之氣露
亦星月之氣看感得恁氣為霜恁氣為露如言露結為
霜非也

寶鑑銘 拾遺記帝嘗時有丹丘國獻瑪瑙瓮以盛甘露
舜移寶露瓮於零陵東方朔作寶瓮銘曰寶露起於露
壇祥風生於月館

長人日飲五斗 東方朔神異經云西北海外有人長二

千里日飲天酒五斗張華注曰天酒甘露也

詩 滴瀝明花苑歲蕤泫竹叢玉垂丹棘上珠湛綠荷中

夜警千年鶴朝零七月風願凝仙掌內長奉未央宮嶸

沾樹急玄蟬洒池棲皓鶴李正王露凋傷楓樹林巫山

巫峽氣蕭森○衆壑生寒早長林卷霧齊○南國畫多

霧北風天正寒並杜甫

虹

陰陽之精 春秋元命包虹蜺者陰陽之精雄曰虹雌曰

蜺

貫牛山 雞距集齊桓公時虹貫牛山管仲諫曰無近妃

宮

五色照宮殿 春秋潛潭巴曰虹五色照宮殿有兵革之

事

偃蹇 晉志虹蜺偃蹇於昊蒼

詩 晚虹隨雨過山顛誰插青雲倒掛懸可惜兩垂空到

海不令一直去衝天豈堪暮靄能相蔽常對斜陽亦可

憐好使渴來能劇飲且教溪壑減深淵原逢連卷雌蜺

倪結 掛西樓逐雨追晴去未休安得萬粧相向舞酒酣

聊把作纏頭秦少江虹明遠飲峽雨落餘飛○驅車石

龕下仲冬見虹蜺並杜澹煙歸鳥緩殘照斷虹疎石曼卿

詩

錦繡萬花谷別集卷之一

錦繡萬花谷別集卷之二

電雹

陰陽激揚 淮南子墜形訓陰陽相薄為雷激揚為電

雹如杯椽 孔叢子永初中河西縣雹如杯椽折禾稼

從雨包聲 許慎說文曰雹雨冰也從雨包聲

鳧卵雞子 唐五行志乾符六年五月雨雹如鳧卵又漢

宣帝地節四年五月雨雹大如雞子

馬頭 前武帝元封三年雨雹大如馬頭

毀瓦破車 唐五行志人君信讒殺無罪則雹毀瓦破車

殺牛馬

金石皆銷 歷代紀石導襲位震雷雹如斗金石皆銷

陰脅陽 洪範五行傳陰脅陽之不相入則為雹雹者陰

脅陽也

鞭策淮南子電激氣也以為鞭策

詩天昏地黑蛟龍移雷驚電擊雄雌隨○峽山逢颶風
雷電助撞碎乘潮簸扶胥近岸指一髮兩岩雖云牢木
石互飛發○雲披霧裂虹蜺斷霹靂掣電捎平岡鱗電
子何孤竹屋聲只於花事較無情青春已在殘紅裡更
着渠儂何似生 楊誠齋

冰

天瑞後漢王霸傳王郎起光武至滹沱河候吏白無船
不可濟光武令王霸往視之霸還曰水堅可渡比至河
河冰亦合令霸護渡未畢數騎而冰解光武曰王霸權
以濟事殆天瑞也

夏虫不可語冰莊子秋水篇夏虫不可以語冰者篤於

時也文選孫綽天台賦晒夏虫之疑冰

挑弧棘矢左昭四年申豐曰古者日在北陸而歲冰西
陸朝覲而出之其歲冰也深山窮谷固陰沍寒於是乎
取之其出之也挑弧棘矢以除其災注云挑弓棘矢所
以禳除凶邪將御至尊故

詩歲窮寒氣驕冰雪滑磴棧○商山季冬月冰凍絕行

輶○峻塗拖長冰直上若懸溜並韓退之寒冰爭倚薄雲月

逝微明黜江漢春風起冰霜昨夜除○東風吹春冰決

莽后土濕○千里猶殘舊冰雪百壺且試開懷抱○耳

激洞天飈目存寒谷冰○炯如清冰出萬壑置在寒露

之玉壺

霞

赤氣上蒸河圖云崑崙山有五色水赤水之氣上蒸為霞

九光十洲記朱霞九光

詩落日初霞閃餘映倏忽東西無不可
晴天散餘霞○中關道萬里霞月遙相思○四明三千里朝起赤城霞日出紅光散分輝照雪崖一冷嚙瓊液五內發金沙舉手何所待青龍白虎車○翠影紅霞映朝日鳥飛不到昊天長並李白

雲

雲紀左昭十七年郊子曰黃帝氏以雲紀故為雲師而雲名注云黃帝受命有雲瑞故以雲紀事百官師長皆

以雲為號縉雲氏蓋其一官也

歌慶雲宋書符瑞志帝舜時和氣普應慶雲興焉郁郁紛紛蕭索輪囷百工相和而歌慶雲帝乃唱之曰慶雲爛兮禮縵縵兮日月光華旦復旦兮群臣咸進稽首曰明明上天爛然星陳日月光華洪予一人

色青而圓魏文帝生時有雲氣青色而圓如車蓋當其上

呈祥沉璧尚書中候云堯沉璧於河白雲起回風搖落吳淑雲賦云周則為瑞於觀河堯則呈祥於沉璧

如一匹皂京房占候曰朝雨法有黑雲如一匹皂二日中即雨

黃泉之埃淮南子云黃泉之埃上為黃雲

雲師開山圖曰霍山南嶽有雲師如蚕長六寸似兔又廣雅云雲師為之豐隆

詩片片飛來靜又閒樓頭江上復前山飄零盡日不歸去帖破清光萬里天
擲輕惹離愁靄落暉如車如蓋早依依山頭觸石應長在天際從龍自不歸莫向隙窓籠夜月每來仙洞濕行衣春風淡蕩無心後見說襄王夢亦稀
麟千尋有影滄江底萬里無蹤碧落邊○水底分明天上雲可憐形影似吾身何妨舒作從龍勢一雨吹消萬里塵並齊因登巨石知來處勃勃元生綠鮮痕靜即等閒截草木動時頃刻徧乾坤辛寅溶溶洩洩自舒張不在蒼梧即帝鄉莫道無心便無事也應愁殺楚襄王羅影收元氣表光藏太虛中焦從風忽蕭索依漢便

氤氳影徹天初霽光鮮日未曛
縹映日隨丹鳳隨風變
白衣去來皆絕迹
隱顯兩忘機詞馬聚散虛空去復還
野人閒處倚筇看
不知身外無根物
蔽月遮星作萬端
郭震

地

四柱張華博物志地下有四柱廣十萬里地有三千六百軸互相牽也杜詩云萬頃浸坤軸

劫灰漢武帝穿昆明池悉是灰墨有外國胡道人云此是天地劫灰之餘又杜千秋節有感詩龍池塹劫灰

地動儀張衡造候風地動儀以精銅鑄成圓徑八尺蓋隆起形似酒尊飾以篆文山龜鳥獸之形中有都柱傍行八道施關發機外有八龍首銜銅丸下有蟾蜍張口

承之其牙機巧制皆隱在尊中覆蓋周密無際有如地
動尊則振龍機發吐丸而蟾蜍啣之振聲激揚伺者因
此覺知雖一龍發機而七首不動尋其方面乃知震之
所在驗之以事合契若神嘗一龍機發而地不覺動京
師學者咸怪其無證後數日驛至果地震隴西於是皆
服其妙

八極拾遺類總云中國者天下八十一分之一有海環
之如此者九有大瀛海環之總曰八極

八寅八絃八極淮南子九州之外乃有八寅方千里八
寅之外乃有八絃亦方千里八絃之外乃有八極

骨脉毛肉張華博物志曰地以石爲骨川爲脉草木爲
毛土爲肉

詩崢嶸巴閬間所向盡山谷安知有蒼池萬頃浸坤軸
○地軸爲之翻百川皆亂流○巴渠決太古衆水爲長
蛇風煙渺吳蜀舟楫通鹽麻○太山雄地里巨壑眇雲
莊離杜水窮三苗國地窄三湘道李白

山嶽谷附

巨鰲首戴列子渤海之東有大壑中有五山一岱輿二
員嶠三方壺四瀛洲五蓬萊隨波上下往還不得暫時
仙聖訴於帝使巨鰲十五舉首而戴之迭爲三番六萬
歲一交焉五山始不動

閩風曾城張衡思玄賦登閩風之曾城兮搆不死而爲
牀注云閩風山名在崑崙山上淮南子曰崑崙山有重
城九重高萬一千里上有不死樹

歷山鐵鎖 酉陽雜俎云齊郡接歷山上有古鐵鎖大如人臂繞其峯再浹相傳本海中山山神好移故海神鎖之挽鎖斷飛來此矣

十大洞天 第一王屋山天壇峯絕頂高一百二十丈洞周迴一萬里名小有清虛之天即林冲王褒爲少有清虛真人所理在洛京王屋縣○第二委羽山周迴一萬里名大有空明之天即司馬季主爲大有真人所理係台州又爾雅云應海中心○第三西城山高二千丈周迴三千里名太玄總真之天即王方平所理在梁州成都府西去一千里入州界○第四西玄山洞高二千一百丈周迴三千里名三元極真之天即裴真人所理係華州不可到也○第五青城大面山高三千六百八十

丈九尺洞周迴二千里名寶仙九室之天即甯真人所理黃帝曾問道希夷真君授帝龍躋經之所在蜀州清城縣○第六天台赤城山高一萬八千丈周迴三百里名上玉清平之天即桐栢王真人所理葛仙翁煉丹得道之處上應台宿故名天台在台州天台縣○第七羅浮山高三千六百丈周迴五百里名朱明耀真之天即蓬萊之一島也堯時洪水浮海而來泊於羅山二山相合故曰羅浮即抱朴子葛洪鍊丹得道之所在惠州博羅縣○第八茅山高百七十丈周迴百五十里名金壇華陽之天古名句容山茅君鍊丹得道處故曰茅山記云華陽洞天生黃金壇高一百丈紫玉宮皆上清真人遊息之地在升州句容縣○第九林屋山周迴四百里

名左神幽墟之天一名包山在太湖水中夏禹治水平
後歲靈寶五符於此洞中在蘇州○第十括蒼山周廻
三百里名成德隱真之天即徐來勒真人所理在台州
仙居縣

三神山前漢郊祀志蓬萊方丈瀛洲此三神山在渤海

衡山九頭羅含湘中記云衡山九頭皆有舜廟太守至
官嘗遣戶曹致祀則有如絲竹之聲

九疑湘中記云九疑山在營道北九山相似行者疑惑
故曰九疑又韓詩九疑嶠天荒是非

照骨寶酉陽雜俎儂溪古岸石窟有方鏡徑丈餘照人
五藏秦皇世號為照骨寶在無勞縣境山

天台鄰四明華頂高百越門標赤城霞樓栖滄島月

李白天台曉望詩何年僵立兩蒼龍瘦脊盤盤尚倚空翠浪舞

翻紅罷亞白雲穿破碧玲瓏三休亭上工延月九折岩
前巧貯風脚力盡時山更好莫將有限聽無窮蘇軾登

石為銀管草為毫卓出天心萬仞高莫是獲麟書史罷
悶投山谷至今勞陳元岷山萬仞勢崢嶸岡壠連延鎮

蜀城王氣氤氳籠錦里爭教國祚不昇平孟浩白雲飛
盡見岩堯幾處能齊碧落高閒助聖君歸戰馬穩迎仙

府壓靈鼇麟誰運乾坤陶冶功鑄為雙劍倚蒼穹顯門
曾駐三天駕疑日長含八海風李勢雄圖尋委地劉禪

霸業亦成空須知在德非關險二主興亡一夢中杜光庭
峒怪石枕崖疑作礪野泉噴谷訝為霖比星千古騎箕

尾入夢當年簡帝心孫傳萬疊層巒接遠空瑞雲晴
靄氣溶溶高於太華五千仞秀出巫陽十二峯蕙帳曉
寒飛鶴怨桃源春盡落花濃鸞凰一嘯最深處仙客樓
臺有幾重古壘武氣衝斜漢黑影落別州陰有雪草不
死無風松自吟驪峯祝一面峭來無鳥徑數峯狂欲趨
漁船沈彬廬翠色蒼茫杳靄間船人指點是廬山浮雲
作意深蔽護未許行人取次看彭汝礪見秋風吹拄杖
直到祝融顛目擊三千界肩摩尺五天扶桑暘谷畔青
草洞庭邊雲氣無遮障分明在眼前戴石駢南雲縹渺
連蒼穹七十二峯朝祝融凌空棟宇赤帝宅脩廊翼翼
生寒風朝家遣使嚴祀典御香當殿開宸封願福四海
扶九重干戈永息年屢豐五嶽今惟見南嶽北望乾坤

雙淚落同上

泉

貪泉廉泉南史范栢年梁州人宋文帝嘗言及廣州貪
泉因問栢年曰卿州有此水否栢年曰梁州惟有文川
武鄉廉泉讓水帝問卿宅在何處曰臣所居廉讓之間
帝嗟其善答

玉泉北史後周盧勣拜渭川刺史甚有惠政烏鼠山古
來乏水勣馬足所踐忽飛泉湧出民謠曰我有丹陽山
出玉漿因號其泉為玉漿泉

趙郡玉泉北史趙郡王王子叡除朔州刺史無水禱而
掘井泉源湧出號曰趙郡王泉

應聖唐楊朝晟為邠寧節度使請城方渠合道水波以

過吐蕃路次方渠水之有青蛇降險下走視其迹水從而流築防環之遂為滄淵詔置祠命泉曰應聖吐蕃至乃引去

詩漲痕圍淨石流響間鳴琴揚徽冷色初澄一帶煙幽

聲遙瀉十絲絃長來枕上牽詩思不使愁人半夜眠濤

陸羽評諸水標為第一流露敲金掌曉冰瑩玉壺秋繪

慧山泉詩落在幾萬仞遠聲飄冷空高秋初雨後半夜亂山

中聽一脈清冷何所之縈莎漱蘚入僧池雲邊野客

窮來處石上寒猿見落時聚沫遶槎殘雪在迸流穿樹

墮花隨煙收雨晚閒吟去不復遠尋星子陂鄭谷

石
乘蕪山石自立漢睦弘傳孝昭元鳳二年正月泰山萊

蕪山南匈匈有數千人聲民視之有大石自立高丈五尺大四十八圍入地深八尺三石為足石立後有白鳥數千下集其旁

叱石為羊神仙傳孫平叱石皆起為羊

石笋華陽風俗記云蜀人曰我州之西有石笋焉天地

植之以鎮海眼動則江濤大濫又杜詩注云成都記石

笋及林亭池石之地雨過必有小珠或青黃如粟者亦

有細孔可以貫絲又云石笋在衙西門外僅百五十步

二珠雙蹲一南一北北笋長一丈六尺圍極於九尺五

寸南笋長一丈三尺圍極於一丈二尺南笋蓋公孫述

時折故長不建北笋

濟北甄神貺河西濯瑞文聲應天地雨影觸岱宗雲

鴈歸猶可候羊起自成羣何當掘靈髓高枕絕鬢氛
嘯道石終日望夫夫不歸化為枯石表相思望來已是幾
千歲無異當初出望時白居易望夫石

湖海

十洲 東方朔十洲記漢武帝既見西王母言說八方巨
海之中祖洲瀛洲元洲炎洲鳳麟洲聚屋洲流洲生洲
充洲云十洲並是人跡稀絕處

半湯湖 西陽雜俎云句容縣吳瀆塘有半湯湖湖水半
冷半熱熱可以淪雞皆有魚魚交入輒死

鑑湖 杜壯遊詩鑑湖五月涼注云梁任昉述異記軒轅
氏鑄鏡湖邊因得名今有軒轅磨鏡石尚存石畔常潔
不生蔓草

郎官湖 李白汎沔城南郎官湖詩序云乾元歲秋八月
白遷于夜郎故人尚書郎張謂出使夏口沔州牧杜公
漢陽宰王公觴于江城之南湖樂天下之再平也方夜
水月如練清光可掇張公殊有勝槩四望超然乃顧白
曰此湖古來賢豪遊者非一而枉踐佳景寂寥無聞夫
子爲我標之嘉名以傳不朽白因舉酒酌水號之曰郎
官湖亦由郎圍之有僕射陂也

滄洲 蘇氏演義云隋處士元蒧幾爲海使判官遇風船
壞破木載至洲島人曰此乃滄洲去國數萬里洲方千
里花木常如三二月人多不死產分蒂瓜長二尺碧棗
丹栗皆大如梨池中有四足魚金蓮花婦人採爲首飾
曰不戴金蓮花不得在仙家歲幾忽思中國洲人製凌

風舸送之激水如箭旬日達東萊問其國乃唐自大業至貞元二百年矣

南儵北忽 莊子應帝王云南海之帝為儵北海之帝為忽儵尹育

三為桑田 神仙傳曰麻姑為王方平曰自接待以來見東海三為桑田向到蓬萊水乃淺於往者畧半也豈將後為陵陸乎

珊瑚洲 外國傳曰大秦西南漲海中可八百里旦到珊瑚洲洲底有盤石珊瑚生其上人以鐵網取之

海神 太公金匱云南海之神曰祝融東海之神曰句芒北海之神曰顓頊西海之神曰蓐收又見韓南海神廟碑注

沒海履地 唐新羅傳有鄭年者善鬪戰工用槍復能沒

海履其地五十里不噎

鑿五湖貯水 古史云軒轅遊蜀見水多決之下流江湖皆溢乃鑿五湖貯水今洞庭湖一也

石魚湖 元次山石魚湖歌石魚湖似洞庭夏水欲滿君山青疾風三日作大浪不能廢人運酒舫又黃魯直詩云但恐次山胷磊隗終須酒舫石魚湖

詩 東上高山望五湖雲濤煙浪起天隅不知范蠡乘舟後更有功臣繼踵無齟齬界破衙南數里苔泓澄斜對府

門開清虛未省州城見瀟灑疑從澤國來滿岸鳧鷗春沼沚一林風雨夏樓臺薛公八韻當時絕今古誰能斷

大才孫僅申八月湖水平涵虛混太清氣蒸雲夢澤波

動岳陽城孟浩然水涵天影濶山拔地形高可明洞庭白

水

連天暮洪波帶日流風高雲夢夕月滿洞庭秋李端問
吾何處避炎蒸十頃西湖照眼明魚戲一篙新浪滿鳥
啼千步綠陰成虹腰隱隱松橋出蠲首我我畫舫行最
喜晚來風月好紫荷香裡聽泉聲曾湖 固畫舫珠簾出
繚牆天風吹到芰荷鄉水光入座杯盤瑩花氣侵人笑
語香翡翠側身窺綠酒蜻蜓偷眼避紅粧葡萄力緩單
衣怯始信湖中五月涼秦少游 潤通曉月為清露氣入
霜天作暝陰笠澤鱸肥人膾玉洞庭柑熟客分金蘇子
湖鑿開魚鳥忘情地展盡江湖極目天宋 湖習坎疏丹
壑朝宗合紫微三山巨鼇涌九萬大鵬飛樓寫青雲色
珠含明月輝會因添霧露方逐衆流歸李嶠 海於天
地間莽不計涯岸珠宮與貝闕百寶光璀璨惟寬故能

容巨細本無間 曾子開

錦繡萬花谷別集卷之二

錦繡萬花谷別集卷之三

江

濫觴家語致思篇江出岷山其源可以濫觴及其至於江津不舫楫不避風則不可以涉

一源三目前漢地理志注岷江為大江至九江為中江至徐陵為北江蓋一源而三目

九江潯陽記九江一白江二蚌江三烏江四嘉靡江五畝江六源江七廩江八提江九茵江又張須元緣江圖云一曰三里江二曰五州江三曰嘉靡江四曰烏土江五曰白蚌江六曰白烏江七曰茵江八曰沙提江九曰廩江

三江韋昭云吳淞江錢塘江浦陽江又吳地記云松江

東北行七十里得三江口東北入海為婁江東南入海為東江并松江為三江

詩 暮暮晴江沒曉煙暮雲歸簇忽相連青山流水出天外晚渡歸舟下日邊杏萼春深翻淺纈柳花風遠聚晴

綿無錢買得江頭樹輸與漁人繫釣船王令江溶溶漾漾白鷗飛綠淨春深好染衣北去南來人自老夕陽長

送釣船歸杜牧尊菜鱸魚好時節秋風斜日舊煙光陳

雨後一蓬煙火飯漁船林逋秋江滿眼碧波輸野鳥一

簑疎雨屬漁人隨船晚月孤輪白入座晴山數點青江詩吳平波渺渺煙蒼蒼菰蒲纒熟楊柳黃扁舟繫岸不忍去秋風斜日鱸魚鄉陳堯佐浸月吞山勢未休纖

波不動冷光浮潤從鸚鵡洲前過深向鷓鴣峯下流橘

柚香飄荆渚暮蕪葭風度楚汀秋何時得遂浮桴興期爾蓬壺爛熳遊杜光庭漢江一帶碧流長兩岸春風解

綠楊借問漢江何處沒欲停蘭棹祀昭王胡曾

宜菽宜稻 淮南子墜形訓河水中濁而宜菽江水肥仁而宜稻

崑崙之輸 淮南子覽冥訓河九折注於海而流不絕者崑崙之輸也

天瑞 王子年拾遺記黃河千年一清皆至聖之君以為天瑞

三河 禮職方氏河南曰豫州其山鎮曰華山其川熒洛

河東曰交州其山鎮曰岱山其川河沛河內曰冀州其山鎮曰霍山其川漳

九河禹貢注云徒駭一太史二馬頰三覆金四胡蘇五簡六絜七鈎盤八鬲津九又出爾雅絜音頡

馮夷擊鼓杜羨陂行馮夷擊鼓群龍趣註云馮夷華陽潼鄉隄首人服八石得水仙是為河伯又曹子建洛陽賦云馮夷鳴鼓女媧清歌

沸潭季子廟前有沸潭生物投之即熟

姤婦津臨濟有姤婦津晉劉伯玉妻段氏字明光性妬忌伯玉嘗於妻前誦洛神賦語其妻曰娶婦得如此吾無憾焉明光曰君何以水神美而輕我吾死何愁不為水神乃自沉而死死後七日託夢語伯玉曰君本願神

吾今得為神也伯玉寤而覺之遂終身不復渡水有婦人渡此津者皆攘衣枉粧然後敢濟不爾風波暴發醜婦雖粧飾而渡其神亦不妬也故齊人語曰欲求好婦立於津口婦立水傍好醜自彰酉陽雜俎

詩派出崑崙五色流一枝黃濁貫中州吹沙走浪幾千里轉側尾閭無處求王安石誰開崑崙源流出混沌河

積雨飛作風驚龍噴為波孟郊源出崑崙中長波接漢宮桃花來馬頰竹箭入龍宮德水千年變熒光五色通

李漢祖誓功衣帶小仙人泛木客槎輕羅隱黃博望沉埋不復旋黃河依舊水茫然沿流欲共劉郎語祇待靈槎送上天胡沃日涵空勢自由通天巨派出崑丘清膺

我后千年運濁為何人萬古流李堯煙籠寒水月籠沙

夜泊秦淮近酒家商女不知亡國恨隔江猶唱後庭花
杜牧秦淮詩

川澤

川必有涂禮冬官匠人兩山之間必有川焉兩川之上必有涂焉

三百三千莊子天下篇禹之湮洪水決江河名川三百支川三千

水懷珠而媚選陸士衡文賦水懷珠而川媚

七澤司馬相如子虛賦云楚有七澤嘗見其一名曰雲夢雲夢者方九百里其中有山焉

氣之導水之鍾周語古之長民者不防川不竇澤川風之導也澤水之鍾也

詩百川東注事難猜千古悠悠竟不回無滯自能隨勢去有聲多為不平來輕浮范蠡舟何處冷浸靈均骨可哀舉世盡知兼濟物流年爭忍被君催熊皎數里踏亂

石一川環碧峯蘇子美早時風景愛東吳一到京師興

益踈偶向城南疑澤國夾川垂柳帶僧居劉原詩深山

大澤龍蛇遠春寒野陰風景暮○自多窮岫雨行潦相

虺蹙菊芻川氣黃群流會空曲不有萬穴歸何以尊四

瀆水灑遠川曲通流歎竇潛洩瀨杜長天淨如洗湍

石秋水寒○秋蓮漚澤清徹底沙水明僧正平

歲時

歲名淮南子天文訓云太陰在寅歲名攝提格在卯歲名單闕在辰歲名執徐在巳歲名大荒落在午歲名敦

辟在未歲名協洽在申歲名涖灘在酉歲名作噩在戌
歲名闍茂在亥歲名齋默在子歲名困敦在丑歲名赤
奮子歲反涖湯昆反灘湯干反默音翼噩一作鄂寅在甲曰闕逢卯在乙曰
旃蒙辰在丙曰柔兆巳在丁曰強圉午在戊曰著雖未
在巳曰屠維申在庚曰上章酉在辛曰重光戌在壬曰
玄默亥在癸曰昭陽

歲祀年載爾雅云夏曰歲商曰祀周曰年虞曰載

攝提遷次後漢律曆志曰周于天一寒一暑四時備成
攝提遷次青龍移辰謂之歲

蠢假愁中記鄉飲酒義云東方曰春春之為言蠢也產
萬物者聖也南方曰夏夏之為言假也養之長之假之
仁也西方曰秋秋之為言愁也愁之以時察守義者也

北方曰冬冬之為言中也中者歲也

四時別號爾雅云春為發生夏為長羸秋為收成冬為
安寧此四時之別號

詩君子法天運四時可前知小人惟所遇寒暑不可期
○皇天平分成四時春風漫誕最可悲雜花粧林草蓋
地白日坐見傾天維蜂喧鳥咽留不得紅萼萬片從風
吹豈知秋霜雖凜冽摧落老物誰惜之○四時各平分
一氣不可兼隆寒奪青序顛頊固不廉並辯流光易欺
人勞我不暫歇春花轉盼失夏扇且見奪清陰卧新軒
入耳悲蟋蟀起來意有餘一葉曉先脫僧正平

春

淮南子時則訓春為規規者所以圓萬物

也規度不失生氣乃理

招搖東指北元魏黎季明傳招搖東指天下皆識春

進長生花酉陽雜俎云北朝婦人常以正月進箕帚長生花

助天生東漢禮儀志注皇覽曰自冬至四十六日則天子迎春於東堂青旒八乘旗旄尚青田車載矛號曰助天生唱之以角舞之以羽翟此迎春之樂也

嘉辰淑節梁元帝纂要春為青陽芳春青春三春九春天曰蒼天風曰陽風柔風惠風景曰媚景時曰良時辰曰良辰嘉辰節曰華節良節嘉節韶節淑節

詩建春宮殿紫雲飄春漏遲遲下絳霄綺陌暖風嘶去馬粉廊初日照趨朝礮春谷闌花經宿雨香難捨鶯在豪

家語更嬌上縷金作勝傳荆俗剪綵為人起晉風隱人

日寒未放林鶯轉風暖先吹海燕來陳克正氣才隨

灰律變殘寒更被柳條欺方年年春色苦相侵長恐芳

菲役破心煙閣綠楊官路靜雨關紅杏宅門深○一品

也須防白髮千金莫惜買青春謂尋春何事却悲涼春

到他鄉憶故鄉秦女洞桃歆澗碧楚王堤柳舞烟黃建

陰陽造化首天地發生心有信來還去無私古到今石

年霽色初含柳餘寒尚勒花歐陽鶯猶求舊友燕不肯

貧家石安花輕蝶亂仙人杏葉密鶯喧帝女桑昭館一

夕春雷落萬絲霽光浮動碧參差有情芍藥含春淚無

力薔薇卧曉枝觀綠楊陰密鶯將懶紅杏枝空蝶不忙

詩思謾沿芳草遠茶甌微帶落花香惠細水浮花歸別

浦斷雲含雨入孤村韓偓春晚雨墻東暗綠槐清陰庭
院鎖莓苔委階紅藥將春去貼水青荷與夏來謝幼槃
野桃未放竹邊萼山杏欲燃墻外枝○梅萼已消枝上
雪茗芽新刺面前旗未須扶杖穿花去且可披雲枕石
歸○子規恨雨深深語蛺蝶欺人細細窺並桂雜花刺
眼亂紅綉落絮滿門鋪白氈僧正平

夏

衡平萬物淮南子時則訓夏為衡衡者所以平萬物也

炎節梁元帝纂要風曰炎風節曰炎節

助天養東漢禮儀志注皇覽曰自春分數四十六日則
天子迎夏於南堂赤旒七乘旗旄尚赤田車載戟號曰
助天養唱之以社舞之以鼓鞀此迎夏之樂也

獻西瓜唐明崇儼以奇技自名高宗召見甚悅盛夏帝
思雪崇儼坐頃取以進自云往陰山取之四月帝憶瓜
崇儼索百錢須臾以瓜獻曰得之緱氏老人圃中帝召
老人問故曰埋一瓜失之土中得百錢

赫曦與熱晉夏侯湛大暑賦惟青之謝兮接朱明之
季月何太陽之赫曦乃鬱陶以興熱

以瓜鎮心後漢鄭均字茂時嘗讀書時大熱以瓜鎮心
欲涼之也

詩石上涼多新雨歇池邊吟久好風生旣數枝石榴發

十丈荷花开時嘒嘒新蟬綠葉遮一聲臨晚到山家未
應春色全歸去猶有芳叢刺艾花聽楊花開盡夏蟬吟
庭館初驚畏景深竹徑早疑聽鳥語盆池又覺瑩人心

暫移茶竈離書閣別壘琴臺向樹陰月扇將來還入手
動搖時節好披襟戲首夏木陰薄清和自一時笋抽八
九尺荷生三四枝新服裁蟬翼舊扇拂蛛絲莎徑熱未
劇晨昏來往宜詞馬渴思西漢金莖露困憶南朝石步
廊謂乞爲寒水玉願作冷秋菰○永日不可暮炎蒸毒
我腸安得萬里風飄飄吹我裳昊天出華月茂林延踈
光仲夏苦夜短開軒納微涼杜大暑屹不去楚江不
知秋九衢襍穢子擾擾令人愁洪龜不但春妍夏亦佳
隨緣花草是生涯鹿葱解插纖長柄金鳳仍開最小花
○暑中北閣望南窓將謂南窓分外涼到得南窓還更
熱芙蓉和蕊落幽香楊誠南方時雨連梅雨五月江城
氣鬱蒸避暑聊傾桑落酒承恩敢望玉池冰殊行日永

知槐夏雲黃喜麥秋黃魯直

秋

矩方萬物淮南子時則訓秋爲矩矩者所以方萬物

屏屏潘岳秋興賦嗟秋日之可哀兮良無愁兮不

盡野有歸燕隰有翔隼遊氛朝興稿葉夕隕於時乃屏
輕箠釋纖絺籍莞蒹御袂衣庭樹撼以洒落勁風戾而
吹帷蟬嘒嘒以寒吟鴈飄飄而南飛天晃朗以彌高日
悠揚而浸微何微陽之短景覺涼夜之方來月朦朧以
含光兮露淒清以凝冷熠燿燦於階闈兮蟋蟀鳴乎軒
屏聽離鴻之晨吟望流火之餘景

助天收東漢禮儀志注皇覽曰自夏至數四十六日則
天子迎秋於西堂白旒九乘旗旄尚白田車載兵號曰

助天收唱之以商舞之以干戚此迎秋之樂也

白葦 梁元帝纂要秋曰白葦亦曰收成亦曰素節亦曰

三秋九秋素秋高秋

蟬思 劉禹錫秋聲賦晚枝多露蟬之思夕蔓起寒

蟬之愁

詩 王露凋傷楓樹林巫山巫峽氣蕭森江間波浪無天

湧塞上風雲接地陰叢菊兩開他日淚孤舟一繫故園

心寒衣處處催刀尺白帝城高急暮砧○遠岸秋沙白

連山晚照紅潛鱗輸駭浪歸翼奮高風砧響家家發樵

歌箇箇同飛霜任青女賜被隔南宮離杜萬影皆因月

千聲各有秋蠟芳夜船千棹月寒酒一旗風水暗菰蒲

老山青橘柚紅○兩岸早霜紅橘柚半汀殘雨老蕪葭

明時不見投簪客落盡西風紫菊花蝻夏秋露華清

帶水月明天色白連河卿曼風捲荷初盡霜催菊半凋

曾公華髮念秋晚青燈憐夜長香團菊花露寒着橘林

霜翰清潮寒水國秋砧早月暗山城夜漏稀謝用驟雨

池塘漲飄風枕簟涼野田肥鴈鴛官柳噪調蟾謝無煙

籠沙鳥浴秋江古岸丹楓半夕陽憶與道人相就語心

隨落鴈過橫塘○橘香籬落漸堪摘酒熟鄰家自可篋

○風獵菰蒲客舍秋送君何必號懷憂只今茗雪味同

鼎後夜月明空倚樓○稻熟黃梁處處田人家橘柚飽

風煙牛羊滿野社醅熟鼓腹老農歌二天並僧蟬噪古

槐疎葉下樹銜斜日映孤城欲知潘鬢愁多少一夜新

添白數莖王風定小軒無落葉青虫相對泣青絲秦觀

權萬物淮南子時則訓冬為權權者所以權萬物也權正而不失萬物乃歲

地凍水冰魯恭傳疏十一月十二月陽氣潛藏未得用事雖育噓萬物養其根芽而猶盛陰在上地凍水冰陽氣否隔閉而成冬

元英梁元帝纂要冬曰元英亦曰安寧亦曰元冬

助天誅後漢禮儀志注皇覽曰自秋分數四十六日則天子迎冬於北堂黑旒六乘旗旄尚黑田車載甲鐵鑿

號曰助天誅唱之以羽舞之以干戈此迎冬之樂也

土牛六頭後漢禮儀志季冬立土牛六頭於國都郡縣城外丑地以送大寒

却寒簾杜陽編同昌公主堂中設却寒簾類玳瑁斑有

紫色云却寒烏骨所為也

詩夜來霜重着闌干玉殿無塵玉甃寒日日君王罷朝

早禁庭無事一冬閑○昨夜新霜滿玉堦初冬處處火

爐開中宮還院傳宣賜南國諸侯進橘來並張倚檻池

冰合開扉嶽雪明何孫草屋松篁杪寒多市井間嚴風生

北戶愛日落南山翹曉霧霏霏晴不密黃塵障天高百

尺風昏氣濁一冬温買酒澆神裱歲疫須知帝力愛人

深河海生雲韜早日六花縈空吐奇艷戲弄陰機變寒

慄一川飛絮乍吹輕百斛明珠初洒急湖少殘臍泛舟

何處好最多吟興是瀟湘就船買得魚偏美踏雪沽來

酒倍香杜荀鶴冬硯寒金井水簷動玉壺冰○高堂暮

瀟湘

冬雪壯哉舊瘴無復似塵埃崖沉谷沒白皚皚江石缺
裂青楓摧 並杜甫

錦繡萬花谷別集卷之三

錦繡萬花谷別集卷之四

元旦

端月元日 玉燭寶典云正月爲端月其一日爲元日亦
云正朝亦云三元亦云三朔注云歲之元時之元月之
元

葦桃磔雞 晉禮樂志歲旦常設葦茨桃梗磔雞於宮及
百寺之門以禳惡氣

百華燈 晉禮樂志魏武帝都鄴正會文昌殿用漢儀文
設百華燈

樺燭 盧延遜新歲朝賀詩元日燕脂色朝天樺燭香

正會禮 晉禮樂志漢儀有正會禮正旦夜漏未盡七刻

鐘鳴受賀公卿以下執贄來庭二千石以上升殿稱萬

歲然後作樂宴享魏武帝都鄴正會文昌殿用漢儀晉氏受命武帝更定元會儀咸寧注是也

獻贊奉璋晉傅元朝會賦考夏后之遺訓綜商周之典

制采秦漢之舊儀定元正之嘉會萬國咸亨各以其職坐太極之正殿儼差我以崔嵬群后德遜海外來同獻贊奉璋人肅其容

獻羽觴晉荀勗元旦會王公上壽酒三言詩踐元辰延

顯融獻羽觴祈令終

讀令布政唐張齊賢傳今元日通天宮受朝有司遂讀時令布政古之禮也

楊柳枝着戶上齊民要術云正月旦取楊柳枝着戶上百鬼不敢入人家

奏三元頌唐岑文本除秘書郎太宗既籍田又元日朝

群臣文本奏籍田三元頌二篇文致華贍

詩會朝四海登圖籍絳闕青都想盛容春色已知回寸

草霜威從此際寒松黃庭堅數聲雞唱錦樓前引得春風

散錦川星斗似沉初報曉羽儀如畫已朝天翠華尚未

離三蜀白日那堪又一年祗為明時倍多感瑤爐重炷

祝堯煙杜光纔飲屠蘇定年齒座中惟咲鬢毛斑坊元

日甘泉會衣冠拜冕旒圖書一四海玉帛萬諸侯矚新

歲起今日舊年猶昨宵凍雲低覆野殘雪稍封條梅堯

椒盤又頌一年初多拜猶欣未要扶山色長供青筍笠

春光不為白髭鬚仙家風土閑中是歲後鶯花較早無

人事馳驅不須嘆倦來添得睡工夫楊誠齋

立春

舞雲翹後漢祭祀志明帝立春日迎春于東郊祭青帝
勾芒車旗服飾皆青歌青陽八佾舞雲翹之舞

學士賦剪綵花唐中宗紀立春日宴別殿內出剪綵花
令學士賦之

青衣青幘東漢禮儀志立春之日夜漏未盡五刻京師
百官皆衣青衣都國縣道官下至斗食令史皆服青幘

立青幘

龍精戒旦隋志青帝歌震宮初動木德惟仁龍精戒旦

鳥曆司春

釵頭雙綵燕荆公日記云立春日悉剪綵為燕子以戴
之故歐陽永叔云不驚樹裏禽初變共喜釵頭燕已來

鄭毅夫云漢殿闔簪雙綵燕併知春色上釵頭皆春日
帖子詩也

詩盤出高門行白玉菜傳纖手送青絲融土牛呈歲稔

綵燕表年春曹植綴條花剪綵插戶柳生煙獨坐空山裏

惟驚節物遷梅堯臣元一歲還隨一歲來立春人日競

相催細細谷風能破凍熙熙習俗似登臺初陽弄色明

高柳殘雪留寒伴落梅淮北風光元自好壯心摧謝不

勝哀劉敞三百六旬隨手去流年都被暗中消方憐舊歲

餘今日却喜新春第一朝桃柳未驅殘臘夜銀罌初賜

紫宸朝醉竟徃徃成歸夢便逐東風過海潮晁補之除

生菜頗資饒口腹剪旛聊稱白髭鬚紫宸拜賜鳴雙笏

皂蓋頒春佩左符劉馬蹄殘雪未成塵梅子稍頭已着

春巧勝向人真柰老衰顏從俗不宜新高門肯送青絲
菜下里誰思白髮人陳無梅蕊飛翻柳色新雪泥乾處
已成塵愁看節物獨驚眼醉吐詩詞均可人謝幼槃暖
日傍簾曉濃香開篋紅釵斜穿絲燕羅薄剪春虫巧着
金刀力寒侵玉指風娉婷何處戴山髻綠成叢李遠

上元

明皇觀廣陵幽怪錄云開元正月望明皇謂葉仙師曰
四方此夕何處極盛對曰天下無如廣陵帝欲一觀俄
虹橋起於殿前師奏請行但毋回顧帝步上之高力士
樂官數十人從行俄頃到廣陵士女仰望曰仙人現於
雲中師曰請敕樂官奏霓裳羽衣一曲帝回闕後廣陵
奏云上元夜有仙人乘綵雲自西來臨孝感寺奏霓裳

羽衣一曲二終而去上大悅

作膏祠門戶玉燭寶典曰正月十五日作膏祠門戶又
荆楚歲時記今州里風俗望日先以柳枝插門隨枝所
指乃以豆粥祭之

步步燃燈涅槃經云如來闍置金牀繞城步步燃燈十
三里

麩開元遺事都城上元造麩以官位高下貼中
探之

造火蛾金門事節正月十五日造火蛾兒

踏歌聲入雲唐輦下記先天初上御安福門觀燈令朝
士能文者為踏歌聲調入雲

百枝燈開寶遺事韓國夫人置百枝燈樹上元夜燃之

燭圍楊國忠子弟上元夜各有千炬燭圍

探春宴開元天寶遺事云都人士女正月半乘車跨馬郊野中為探春之宴

詩千門開鎖萬燈明正月中旬動帝京張欲曙九衢人

更多千條香燭照星河今朝始見金吾貴車馬縱橫避

王珂靈三五月華清遨遊逐上春相邀洛城曲追宴小

平津樓上看朱妓車中見玉人芳宵殊不極隨意守燈

輪陳子寶釵驟馬多遺落依舊明朝在路傍張宵翠幃

霓旌夾露臺夜涼宮扇月中開龍街燭抱金門出黿負

山趨玉座來矚極戲添夷客喜栢梁篇較從臣材共知

天意同民樂願奏君王萬壽杯○九衢仙仗豫遊歸寶

燭星繁換夕暉傳醜未斜清禁月散花還拂侍臣衣天

香暗度金虬暖宮扇雙開綵鳳飛法曲世人聽不足却

迎朱輦下端闈○金地夜寒消美酒玉人春困倚東風

紅雲燈火浮蒼海碧水樓臺浸遠空○香車百兩天

街曉清蹕一聲仙仗回張文潛

社日

泥飲杜遭田父泥飲美嚴中丞詩云田翁逼社日邀我

嘗春酒酒酣誇新尹畜眼未見有補注云所謂泥飲者

非飲於泥淖之中乃其醉如泥耳

巴歌晉初南隱者自號南翁人莫知來歷因社日至衆

會上願聽巴歌乞此一日醉

結宗荆楚歲時記社日四鄰並結宗社會

一歲三祠後漢建武二年立太社于雒陽無屋有墻門

而已二月八月及臘一歲三祠皆太牢

椒蘭酒李叔達祠杜詩椒蘭平酒酌簠簋撒香箕

靈壇飲福杯倦遊錄云太社二祭多差近臣王禹玉在兩禁二十年熙寧間爲翰林學士復被差題詩於齋宮曰鄰雞未動曉驂催又向靈壇飲福杯自笑治聾知不足明年強健更重來

詩村北村南花柳新一風一雨社公春人誇宰肉刀在手我喜治聾酒入唇商雨柳垂垂葉風溪細細紋清歡惟煮茗美味只羹芹飲不遭田父歸無遺細君東臯農事作舉趾待耕耘謝無愁邊節裡兩相關茶罷呼兒檢曆看社日雨多晴較少春風晚暖曉猶寒也思散策郊行去其柰綠溪路未乾綠暗紅明非我事且尋野蕨

作蔬盤楊誠步屨隨春風村村自花柳田翁逼社日邀

我嘗春酒酒酣誇新尹畜眼未見有○南翁巴曲醉北

鴈寒聲微並杜樵蘇後爨甑生埃社日蔬食勉強開十

晝將何娛長者治聾聊復盡餘杯劉旦

春分

中氣符天纂圖云春分二月中氣秋分八月中氣日出

卯三刻日入酉三刻晝五十刻夜五十刻

元鳥司分左昭十七年元鳥氏司分者也注元鳥燕也

以春分來秋分去

鷓鴣鳴唐韻鷓鴣鳥名關西曰巧婦關東曰鷓鴣春分

鳴則衆草生秋分鳴則衆芳歇

寒食

繡草宣臺 酉陽雜俎云寒食日賜侍臣帖綵毬繡草宣臺

熟食日 杜熟食日詩幾年逢熟食舊注云熟食日即寒食節也秦人呼寒食為熟食日言其不動煙火預辦熟食食物過節也

一百六 唐元稹詞云初過寒食一百六店舍無煙官柳

綵 葺煙 李崇嗣寒食詩普天皆滅焰匝地盡葺煙

畫鴨子 鄴中記寒食日俗畫鴨子以相餉

鬪雞戲 玉燭寶典云此節城市多鬪雞之戲

籃尾酒 白樂天寒食詩三杯籃尾酒

插花時 劉禹錫寒食詩楚鄉寒食插花時

詩 侵塔草色連朝雨滿地梨花昨夜風 紅染桃花雪

壓梨玲瓏雞子鬪 羸時今年不似明寒食暗地鞦韆別

有期 飢積寒柳礙東風一向斜春雲淡淡襲人家有時

三點五點雨到處十枝花 醉山但挂酒壺那計餞

偶題詩句不須編忽聞啼鴉驚羈旅綿上何人治廢田

羈美人寒食事春風折盡青青賞盡紅半夜無燈還不

寐秋千懸在月明中 鱗水隔浮煙疎竹寺路經微雨落

花村天寒酒薄難成醉地迥臺高易斷魂 揚微一麾飄

泊在天涯寒食園林不見花惟有市亭沽酒客 俚歌聲

到日西斜 醕子一百五日江南天風雨竊弄春工權繁

紅開白爭韶妍飄零墮蓋隨風綿 汪浹

清明

榆柳火白氏六帖引鑽燧改火云春取榆柳之火以順陽時又云改火之辰

桐華六帖云清明之日桐始華三月節

進火賜絹唐輦下歲時記云每歲清明內園小兒於殿前鑽火先得者進上賜絹三疋

詩旅鴈上雲歸紫塞家人鑽火用青楓秦城樓閣煙花裡漢主山河錦繡中○朝來新火起新煙湖上春光淨客船○著處繁華矜是日長沙千人萬人出渡頭翠柳艷明眉爭道朱蹄驕齧膝並杜汀草汀鷗解喚愁舍南舍北復鳴鳩深憑竹葉留春住未信桃花逐水流○高柳半天渾欲綿二毛苦上接籬邊興深杯杓懷山簡句夢池塘有惠連○欲學少年花壓帽却疑花笑及花嗔

○身閑旋改清明火齒冷不禁寒食錫昨夜溪流高六尺勸人時有杜鵑聲並李數畝畝老李數畝畝風雨清明後江國春多桃李花斷送松牕煙渚夢滿甌香雪啜新茶○陌上依迷連碧草樹頭顛倒落殘花鳥聲寂寞人歸後一味春愁障日斜○野水橫來滿竹池一番風雨潤花時幽禽行破青苔地飛上小棠人不知○微風南北半陰晴驚動遊人雷一聲小雨催花花落盡可憐風物屬清明並僧誣早是傷春夢雨天可堪風草更芊芊內官初賜清明火上相閑分白打錢紫陌亂嘶紅叱撥綠楊高映畫鞦韆遊人記得承平事暗喜風光似昔年並昨夜鄰家乞新火曉窗分與讀書燈○兒童不慣貧滋味剛拾榆錢索買花○榆錢零落麥開芒翹斷南軒蝶影雙多謝東

風相管顧解飄花片入書窓並王禹偁好風隴月清明夜碧
砌紅軒刺史家獨遶迴廊行復歇更聽絃管暗看花易
夜雨輕寒拂曉晴牡丹開盡過清明庭前落絮誰家
柳葉裡新聲是處鶯張文潛

上巳

潔東流後漢禮儀志上巳官民皆潔於東流上巳洗濯
袂除去宿垢疾為大潔潔者言陽氣布暢萬物訖出始
潔之矣

華林宴鄴中記曰華林園上巳臨池宴會

臨流杯池晉起居注三月三日臨流杯池依東堂會

置羽於觴選陸士衡詩羽觴不可筭注云置鳥羽於觴
以取急筭飲數也又逸詩云羽觴隨波

握蘭採艾梁簡文帝三月三日詩握蘭惟是旦采艾亦
今朝

詩風雩三月初三日禊事宜和勝永和又見會稽王內
史蘭亭對酒愛新鶯蛩花明柳暗一溪水日薄雲濃三
月天洪龜暮春三月日重三春水桃花滿禊潭張三月
三日天氣新長安水邊多麗人離行春莫放一日一脩
禊仍逢三月三恐遣晴光作陰雨更將急濺浣春衫○
出門着雨不能歸借得青箬着片時春染百花知子未
雲偷千嶂忽何之○今年春事底忽忽雨急風顛惱得
儂不見一林如許筭猶嫌三日向來風○秧早不出田
父懶蚕遲端待柘成陰○報答春光酒一卮貧中無酒
着春欺作詩細與東風道未必東風肯要詩○平田漲

綠村村麥嫩水浮紅岸岸花 並揚萬里

錦繡萬花谷別集卷之四

